



Administrativna komisija

Broj: 04-GV-02-1973/22
Sarajevo, 23.12.2022. godine

ZAPISNIK O RADU
35. SJEDNICE ADMINISTRATIVNE KOMISIJE
održane 23.12.2022. godine

Prisutni:

1. Jasmin Ademović, predsjedavajući
2. Adi Škaljić, zamjenik predsjedavajućeg
3. Toni Vukadin, član
4. Drago Jurić, član
5. Dragan Stevanović, član
6. Vedad Deljković, član
7. Bajro Biber, član

Sjednici iz Stručne službe za poslove Gradskog vijeća Grada Sarajeva prisustvuju:

- Mila Eminović, sekretar Gradskog vijeća Grada Sarajeva,
- Mirjana Đanović Stanić, rukovodilac Stručne službe za poslove Gradskog vijeća Grada Sarajeva,
- Amir Vrca, šef Odjeljenja za kabinetske poslove Gradskog vijeća Grada Sarajeva,

Sjednici po ovlaštenju Gradonačelnice prisustvuju:

- Aida Bajramović, rukovodilac Stručne službe Gradonačelnice,
- Senada Kočan, pomoćnica Gradonačelnice za opću upravu i zajedničke poslove,
- Muamer Kutlovac, pomoćnik Gradonačelnice za finansije.

Predsjedavajući Komisije je otvorio sjednicu u 11.12 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i ujednoglasnim svajanjem Zapisnika o radu 34. sjednice Administrativne komisije Gradskog vijeća Grada Sarajeva održane 09.12.2022. godine.

Na prijedlog Predsjedavajućeg, Administrativna komisija je jednoglasno usvojila sljedeći **dnevni red**:

1. Prijedlog Programa rada Gradskog vijeća Grada Sarajeva za 2023. godinu
2. Prijedlog Budžeta Grada Sarajeva za 2023. godinu
3. Prijedlog Odluke o izvršavanju Budžeta Grada Sarajeva za 2023. godinu
4. Prijedlog Odluke o platama i naknadama u organima Grada Sarajeva
5. Prijedlog Odluke o stavljanju van snage Odluke o poklonu i davanju saglasnosti na Ugovor o poklonu putničkog kombi vozila
6. Tekuća pitanja

TAČKA 1.



Prijedlog Programa rada Gradskog vijeća Grada Sarajeva za 2023. godinu

Poslije uvodnog izlaganja te sažetka Predsjedavajućeg, Administrativna komisija je jednoglasno usvojila **sljedeći zaključak**:

Administrativna komisija sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2023. godinu* kako je predložen.

TAČKA 2.

Prijedlog Budžeta Grada Sarajeva za 2023. godinu

Uvodno izlaganje i pojašnjenja dao je Muamer Kutlovac, pomoćnik Gradonačelnice za finansije.

Poslije uvodnog izlaganja i diskusije, te sažetka Predsjedavajućeg, Administrativna komisija je jednoglasno usvojila **sljedeći zaključak**:

Administrativna komisija sugeriše Gradskom vijeću Grada Sarajeva da razmatra *Budžet Grada Sarajeva za 2023. godinu* kako je predložen.

TAČKA 3.

Prijedlog Odluke o izvršavanju Budžeta Grada Sarajeva za 2023. godinu

Poslije sažetka Predsjedavajućeg, Administrativna komisija je jednoglasno usvojila **sljedeći zaključak**:

Administrativna komisija sugeriše Gradskom vijeću Grada Sarajeva da razmatra *Odluku o izvršavanju Budžeta Grada Sarajeva za 2023. godinu* kako je predložena.

TAČKA 4.

Prijedlog Odluke o platama i naknadama u organima Grada Sarajeva

Uvodno izlaganje i pojašnjenja dala je Senada Kočan, pomoćnica Gradonačelnice za opću upravu i zajedničke poslove.

Poslije uvodnog izlaganja i diskusije, te sažetka Predsjedavajućeg, Administrativna komisija je jednoglasno usvojila **sljedeće zaključke**:

1. Administrativna komisija je razmotrila *Prijedlog Odluke o platama i naknadama u organima Grada Sarajeva* te na prijedlog Predsjedavajućeg i u skladu sa članom 124. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Prijedlog Odluke o platama i naknadama u organima Grada Sarajeva jednoglasno podnosi sljedeće amandmane:

AMANDMAN I

U članu 2. predložene Odluke, iza prve alineje, uvrštava se nova alineja „- **članovi radnih tijela Gradskog vijeća**“ - svi izabrani članovi radnih tijela, gradski vijećnici i članovi koji nisu gradski vijećnici;“ te se sve alineje označavaju u skladu s Poslovníkom Gradskog vijeća.

Obrazloženje:

U Poglavlju II – Naknade izabраних funkcionera u prijedlogu Odluke, uređuju se i naknade članovima radnih tijela Gradskog vijeća Grada Sarajeva, kao i isplate tih naknada, a dio članova radnih tijela su izabrani funkcioneri kako je to definisano u prvoj alineji.

AMANDMAN II

U članu 3. predložene Odluke, stav (2), iza teksta „izabraniх funkcionera“, dodaje se tekst **„članova radnih tijela“**.

Obrazloženje:

Potrebno je navesti da se i za naknadu za rad članovima radnih tijela Gradskog vijeća, sredstva planiraju u Budžetu Grada Sarajeva.

AMANDMAN III

U članu 8. stav (1) prijedloga Odluke tekst „za mjesečno“ mijenja se tekstem **„mjesečno za“**.

U članu 8. stav (3) prijedloga Odluke tekst „neopravdano odsustvovanje sa sjednice Gradskog vijeća“ zamjenjuje se tekstem **„nenajavljeno odsustvo do početka sjednice Gradskog vijeća, pismeno, upućeno predsjedavajućem Gradskog vijeća putem elektronske pošte na pisarnicu Gradskog vijeća.“**

Obrazloženje:

Da bi se uvrstio termin “neopravdano”, potrebno je definisati u kojim slučajevima je odsustvo sa sjednice neopravdano, a u kojim opravdano. Budući da je gradskim vijećnicima interes da prisustvuju sjednici jer je to mjesto gdje mogu djelovati u skladu s svojim političkim opredjeljenjima, za očekivati je da neće odsustovati sa sjednice Gradskog vijeća ako za to nemaju iznimno važan razlog.

Njihova odgovornost prema radu u ovom tijelu se očituje u tome da na vrijeme najave svoje odsustvo sa sjednice.

AMANDMAN IV

U članu 9. stav (1) prijedloga Odluke u drugoj alineji briše se tekst „ili se realizuju na osnovu odluke Gradskog vijeća kojom su određeni članovi delegacije“.

U članu 9. dodaje se nova alineja koja glasi:

„Izabrani funkcioneri ostvaruju pravo na naknadu za slučaj smrti, teške bolesti i invalidnosti, na način i pod uslovima utvrđenim za državne službenike i namještenike u organima Grada Sarajeva ako takvo pravo ne ostvaruju kod subjekta gdje ostvaruju prava iz radnog odnosa.“

Obrazloženje:

Članstvo u delegaciji Gradskog vijeća se za gradske vijećnike uređuje odgovarajućim aktom nadležnog radnog tijela Gradskog vijeća, te je ovaj tekst za koji se predlaže brisanje suvišan.

U pogledu dodavanja nove alineje napominje se da je ranijom odlukom ovo pravo gradskim vijećnicima bilo utvrđeno, te da su i u Prijedlogu Budžeta za 2023. godinu planirana sredstva za ovu namjenu.

AMANDMAN V

U članu 10. stav (2) prijedloga Odluke, se mijenja tako da se briše tekst „predsjedavajućeg Gradskog vijeća i zamjenika predsjedavajućeg Gradskog vijeća“.

U članu 10. Prijedloga Odluke se dodaje novi stav (3) koji glasi:

„Rješenje o zasnivanju radnog odnosa, predsjedavajućeg Gradskog vijeća i zamjenika predsjedavajućeg Gradskog vijeća donosi Administrativna komisija Gradskog vijeća, na osnovu odluke Gradskog vijeća o njihovom radno-pravnom statusu, koju Gradsko vijeće donosi na prijedlog Administrativne komisije.

U članu 10. stav (3) postaje stav (4).

Obrazloženje:

O radno-pravnom statusu predsjedavajućeg i zamjenika Predsjedavajućeg odlučuje Gradsko vijeće.

AMANDMAN VI

U članu 11. stav (1) prijedloga Odluke, u tablici, u koloni „Koeficijent“, predloženi broj uz platni razred VI se briše i zamjenjuje brojem: „6,20“.

Obrazloženje:

Za direktora jedine upravne ustanove u okviru jedinstvenog organa uprave Grada Sarajeva se predlaže koeficijent bitno niži iako se radi o upravnoj ustanovi čiji djelokrug je izravno vezan za funkciju glavnog grada Bosne i Hercegovine, a ne za funkciju lokalne samouprave.

AMANDMAN VII

U članu 12. stav (2) predložene Odluke se mijenja i glasi:

„Pravo na platu nosioci funkcija ostvaruju danom stupanja na dužnost, odnosno danom stupanja na snagu odluke Gradskog vijeća o radno-pravnom statusu nosioca funkcija u Gradskom vijeću.“

Obrazloženje:

O radno-pravnom statusu Predsjedavajućeg, odnosno zamjenika Predsjedavajućeg Gradskog vijeća, odluku donosi Gradsko vijeće na prijedlog Administrativne komisije.

AMANDMAN VIII

Član 19. predložene Odluke se mijenja i glasi:

„Nalog za službeno putovanje može izdati:

- za gradonačelnika, gradonačelnik, ukoliko se putovanje realizuje u skladu sa Programom međunarodne saradnje Grada Sarajeva, odnosno Administrativna komisija Gradskog vijeća ako se putovanje realizuje na osnovu inicijative koja nije sadržana u Programu međunarodne saradnje Grada Sarajeva za tekuću godinu, ali su ciljevi putovanja usklađeni sa Strategijom razvoja Grada Sarajeva, o čemu predlagač daje mišljenje;

- za predsjedavajućeg Gradskog vijeća, gradonačelnik, na prijedlog predsjedavajućeg Gradskog vijeća, ukoliko se putovanje realizuje u skladu sa Programom međunarodne saradnje Grada Sarajeva, odnosno Administrativna komisija Gradskog vijeća, ako se putovanje realizuje na osnovu inicijative koja nije sadržana u Programu međunarodne saradnje Grada Sarajeva za tekuću godinu, ali su ciljevi putovanja usklađeni sa Strategijom razvoja Grada Sarajeva, o čemu predlagač daje mišljenje.
- za zamjenike gradonačelnika, gradonačelnik;
- za zamjenike predsjedavajućeg, gradonačelnik na prijedlog predsjedavajućeg Gradskog vijeća;
- za gradske vijećnike, gradonačelnik, na prijedlog Komisije za međunarodnu saradnju uz saglasnost predsjedavajućeg Gradskog vijeća;
- za pravobranioca Grada Sarajeva, Administrativna komisija Gradskog vijeća.“

AMANDMAN IX

U članu 21. stav (1) prijedloga Odluke, tablica se briše, a uvrštava se tablica kako slijedi:

| Platni razred | Radno mjesto | Koeficijent |
|---------------|--|-------------|
| I | - rukovodilac stručne službe - sekretar Gradskog vijeća - sekretar organa uprave | 6,50 |
| II | - pomoćnik gradonačelnika | 6,20 |
| III | - interni revizor - glavni inspektor - stručni savjetnik u Pravobranilaštvu Grada Sarajeva | 5,20 |
| IV | - šef odjeljenja | 4,60 |
| VI | - šef odsjeka | 4,50 |
| VII | - komunalni inspektor | 4,30 |
| VIII | - stručni savjetnik | 4,10 |
| IX | - viši stručni saradnik | 3,90 |
| X | - stručni saradnik | 3,70 |

Obrazloženje:

U obrazloženju prijedloga Odluke je navedeno:

„Temeljem navedenog, prilikom sačinjavanja teksta Prijedloga ove odluke postupalo se u odnosu na postojeće kategorije državnih službenika i namještenika u organima državne službe u Gradu Sarajevu, obzirom da u Gradu Sarajevu postoje, odnosno ne postoje određene kategorije državnih službenika kao što je to slučaj u Federaciji BiH, a koje su obuhvaćene Zakonom o platama i naknadama u organima Federacije BiH („Službene novine Federacije BiH“, broj 45/10, 111/12 i 20/17). Na ovo nas upućuje i Odgovor broj: 03-04-04-41755-1/22 od 28.11.2022. godine, koji je Gradu Sarajevu, gradonačelnici Grada Sarajeva, dostavilo Ministarstvo pravde i uprave Kantona Sarajevu, u kojem je, između ostalog, navedeno i sljedeće: „Utvrđivanje platnih razreda i koeficijenata zaposlenih u organima vlasti kantona, općina i gradova uveliko ovisi od same organizacije organa državne službe,

što je svakako jedan od razloga donošenja zakona o platama i naknadama na nivou kantona, odnosno odluke o platama i naknadama općina i gradova“.

Radna mjesta u organima uprave i službama Grada Sarajeva su uređena na osnovu Zakona o državnoj službi Kantona Sarajevo gdje je hijerarhija postavljena, kao u predloženom amandmanu.

2. Administrativna komisija sugeriše Gradskom vijeću Grada Sarajeva da razmatra *Odluku o platama i naknadama u organima Grada Sarajeva*, kako je predložena uz uvažavanje podnesenih amandmana.

Dragan Stevanović, član Komisije je tražio od predstavnika predlagača da se u prijedlogu Odluke reguliše mogućnost da zamjenici gradonačelnika, odnosno zamjenici predsjedavajućeg Gradskog vijeća mogu da biraju između mogućnosti da budu profesionalni nosioci funkcije tako da zasnju radni odnos i mogućnosti da funkciju zamjenika obavljaju bez zasnivanja radnog odnosa tj. volonterski.

TAČKA 5.

Prijedlog Odluke o stavljanju van snage Odluke o poklonu i davanju saglasnosti na Ugovor o poklonu putničkog kombi vozila

Poslije sažetka Predsjedavajućeg, Administrativna komisija je jednoglasno usvojila **sljedeći zaključak:**

Administrativna komisija sugeriše Gradskom vijeću Grada Sarajeva da razmatra *Odluku o stavljanju van snage Odluke o poklonu i davanju saglasnosti na Ugovor o poklonu putničkog kombi vozila* kako je predložena.

TAČKA 6.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALJUĆI KOMISIJE

Jasmin Ademović, s.r.

Predsjedavajući Komisije je u 11.51 sati zaključio rad 35. sjednice Administrativne komisije Gradskog vijeća Grada Sarajeva.